



Ovaj projekat finansira  
Evropska unija



EU podrška provedbi zakona



**SMJERNICE ZA MJESTO ZLOČINA**

Ovaj vodič je pripremljen za osobe koji nisu forenzičari, odnosno policijske službenike koji trebaju odgovoriti na ad hoc situacije, te stoga vodič ne sadrži znanja iz najnovijih metoda i taktika forenzičkog postupanja i sveobuhvatne profesionalne vještine.

Ova publikacija je urađena uz pomoć Evropske unije. Sadržaj ove publikacije je isključiva odgovornost Projekta EU podrška provedbi zakona i ni u kom slučaju ne predstavlja stanovišta Evropske unije.

Projekat provodi Savezno ministarstvo unutrašnjih poslova Republike Austrije u konzorciju sa ministarstvima unutrašnjih poslova Republike Slovenije, Republike Mađarske i pokrajine Brandenburg Savezne Republike Njemačke, te Međunarodnim centrom za razvoj politika migracija (ICMPD) i Transparency International BiH (u svojstvu saradnika). Partneri, korisnici Projekta su bh. agencije za provedbu zakona na državnom, entitetskom, kantonalnom i nivou Distrikta Brčko BiH.

# Smjernice za mjesto zločina

Ovo je kratki pregled o dužnostima i zadacima policijskog službenika kada otkrije krivično djelo kako bi zaštitio mjesto zločina za istražitelje i osigurao da mjesto zločina bude u stanju kao u trenutku kada je krivično djelo otkriveno i/ili počinjeno.

## 1. Osiguranje mjesta zločina

Osiguranje mjesta zločina počinje dolaskom prvog policijskog službenika i završava kada mjesto zločina prestane biti pod policijskim nadzorom. Osiguranje mjesta zločina, također, uključuje osiguranje istražitelja mjesta krivičnog zločina.

- **Metod postupanja, prilaska, osiguranja mjesta zločina i dokaza od službenika policijske patrole prije, tokom i nakon uviđaja na mjestu zločina**
- **Osigurati lokaciju što je moguće brže i efikasnije**
- **Održavati sigurnost mjesta zločina tokom obrade i sve do trenutka dok se ne napusti mjesto zločina**

### 1.1. Odgovorni za sigurnost mjesta zločina

Službena osoba koja prva stigne na mjesto zločina ili službenik iz policijske patrole koji mora osmatrati, čuvati i osigurati mjesto zločina u skladu sa zakonom i pravilima struke je zadužen za sigurnost mjesta zločina.

## Uloga službene osobe koja je prva stigla na mjesto zločina

- **Službena osoba koja je prva stigla na mjesto zločina mora ostati na mjestu događaja sve do trenutka dok ne stigne nadležni tim za uviđaj na mjestu zločina**
- **Mora izbjeći korištenje svih objekata ili predmeta koji se nalaze na mjestu zločina (npr. toalet, voda, peškir, telefon), kao i suzdržati se od jela, pića ili pušenja**
- **Odrediti i kontrolisati granicu mjesta zločina.** Ukoliko je potrebno **ograditi područje** koristeći bilo kakvu vrstu fizičke barijere kako bi se zaštitio dokazni materijal prije nego što se uništi, izmijeni ili izgubi. Upotrijebiti policijsku traku ukoliko je moguće, a može se upotrijebiti i bilo koja druga fizička barijera (konopac, vozilo i vrata). **Granice se mogu smanjiti u veličini, ali se ne mogu lako proširiti**
- **Osigurati detaljan izvještaj policijskom pozivnom centru** (telefonski brojevi se nalaze na kraju vodiča)
- **Pružiti prvu pomoć svim povrijeđenim osobama** i drugima kojima je potrebna pomoć. U slučaju intervencije medicinskog osoblja morate se postarati da se minimizira kontaminacija ili promjena mjesta zločina
- **Prioritet se uvijek daje hitnoj medicinskoj pomoći** ukoliko postoji sukob između očuvanja dokaza i mogućnosti spašavanja ljudskog života
- **Zabilježite registarske oznake vozila hitne pomoći i adresu zdravstvene ustanove u koju će biti odvezena povrijeđena osoba** ukoliko se žrtva ili osumnjičeni prevoze u zdravstvenu ustanovu, službenik, ako je na raspolaganju, ga/je prati kako bi dokumentovao informacije i sačuvao dokaze

- **Uzeti ime, jedinicu, i telefonski broj prisutnog osoblja** ukoliko je medicinsko osoblje prvo stiglo
- **Pobrinuti se o o vlastitoj sigurnosti i sigurnosti svih kolega**
- **Zaustaviti radnje koje ometaju javni red i saobraćaj**
- **Uhapsiti osumnjičenog koji je počinio krivično djelo**
- **Zadržati svjedoke i osobe koje bi mogle imati informacije o krivičnom djelu**
- **Razdvojiti sva osumnjičena lica ili svjedoke kad god je to moguće**
- **Držati neovlaštene osobe dalje od mjesta zločina**
- **Osmotriti i utvrditi da li je mjesto zločina izmijenjeno ili ne**
  - U slučaju promjene pokušati ustanoviti zašto i od koga?
- **Podnijeti izvještaj nadređenom prema potrebi što je prije moguće**
- **Otpočeti žurnu potjeru, ako je izvodljivo, i naći počinioca**

### **Obaveza službene osobe koja je prva stigla na mjesto zločina**

- **Pozvati sve pomoćno osoblje**, kao što su istražitelj mjesta zločina, osoblje ureda mrtvozornika, vatrogasci, medicinske ili spasilačke službe ukoliko je potrebno
- **Uložiti napore da se mjesto zločina zadrži u nepromijenjenom stanju tokom svojih aktivnosti**
- **Nositi ličnu zaštitnu odjeću ako je raspoloživa**
- **Poduzeti sigurnosne mjere**
- **Paziti privremeno vozila i predmete bez nadzora**

- **Pružiti pomoć timu za uviđaj u:**
  - traženju svjedoka
  - sprovođenju lica radi davanja uzoraka (kose, otisaka prstiju, krvi)
  - otkrivanju identiteta nepoznatih povrijeđenih lica ili neidentifikovanog tijela
- **Dati izvještaj o vašim aktivnostima i zapažanjima istražitelju mjesta zločina** (dati istražitelju tačan prikaz onoga što se desilo, bez ikakvog dodavanja ili izostavljanja). Vaše bilješke bi mogle biti od vitalnog značaja za potkrepljivanje istražiteljevih procjena
- **Službena osoba koja je prva stigla na mjesto zločina nakon napuštanja mjesta događaja mora svom nadređenom podnijeti izvještaj u pisanoj formi o sljedećem:**
  - Zašto ste došli na mjesto zločina (vlastito zapažanje, pozvala vas je policija, pozvali su vas građani, naložio vam je nadređeni)?
  - Kada ste došli, a kada napustili mjesto zločina?
  - Ko je zatečen na mjestu događaja?
  - Koja vrsta dokaza ili tragova je pribavljena?
  - Kakve mjere su poduzete?
  - Da li je mjesto zločina promijenjeno? Zašto? Od koga?

### **Policajska patrola na ulazu na mjesto zločina**

- Koristite samo jednu putanju kada ulazite na mjesto zločina
- Uspostaviti sigurnosni dnevnik za sve osobe koje ulaze ili odlaze s mjesta zločina (ime, čin, svrha pristupa, vrijeme od-

laska i dolaska – s ili bez dozvole istražitelja mjesta zločina). Ograničavanje broja osoba i kontroliranje njihovog kretanja na mjestu zločina je od suštinskog značaja za održavanje integriteta mjesta zločina i minimiziranje kontaminacije

- Apsolutno nijednom posjetiocu bez dokumenata se ne treba dozvoliti pristup u zonu mjesta zločina
- Policijski službenici, uključujući rukovodno osoblje, koji nemaju konkretan ili validan razlog da budu na mjestu zločina, trebaju se smatrati neovlaštenim osobama
- Svi posjetioci moraju dati na raspolaganje sve tražene uzorke (kosa, krv, otisci cipela, otisci prstiju itd.) u svrhu eliminacije. Uzorci će se možda morati uzeti i od medicinskog osoblja u svrhu eliminacije

## 2. Vodič za uviđaj

**Uviđaj se preduzima kada je za utvrđivanje neke važne činjenice u postupku potrebno neposredno opažanje.**

(Član 92 Zakona o krivičnom postupku BiH)

### Cilj

**Cilj uviđaja** je da se pomogne odgovoriti na sljedeća pitanja:

- Šta se dogodilo? Gdje, kada, kako?
  - Koja vrsta krivičnog djela se desila?
  - Ko ga je počinio?
  - Kakvo je oružje korišteno?
- **Istražitelj ima pravo odlučiti otvoriti uviđaj i utvrditi granice područja na početku, ali ukoliko se otkriju novi elementi (druga područja ili predmeti) područje se proširuje**

- **Veoma je dragocjeno uspostaviti grupnu lokaciju na kojoj se mogu koordinirati aktivnosti uviđaja i održavati sastanci**
- Pažljivo hodanje kroz mjesto zločina kako bi se **stekao pregled cjelokupnog mjesta događaja otkriva svaku prijetnju integritetu mjesta zločina i garantira zaštitu fizičkih dokaza**. Treba se poduzeti ukoliko neće doći do remećenja dokaza
- **Istražitelj odlučuje o redoslijedu traženja i fiksiranja dokaza**
- **Važni koraci fizičkih i hemijskih tehnika za traženje i fiksiranje dokaza moraju se dokumentovati fotografijama i/ili videom**
- **Dokazi moraju biti zapečaćeni i upakovani** tako da se paket ne može otvoriti, a da se ne uništi. **Naljepnica o dokazu mora biti zalijepljena na paket uključujući sve informacije koje su potrebne da se jasno obilježe dokazi sadržani u paketu**
- **Moraju se oduzeti relevantni predmeti** (oružje kojim je izvršeno krivično djelo, predmeti koje je koristio prijestupnik)
- **Mora se obratiti pažnja na nadzorne video kamere (CCTV) i kamere postavljene na javnim mjestima**
- Mora se odlučiti o redoslijedu korištenja **različitih tehnika** s ciljem da tehnika koja je prethodila ne naruši druge koje će se kasnije koristiti
- **Istražitelj napušta mjesto zločina ukoliko su prikupljeni svi tragovi i dokazi i ukoliko je mjesto zločina kriminalistički obrađeno i nove informacije nisu do tog trenutka objavljene**
- **Uviđaj se mora izvršiti kada se relevantne informacije i dokazi mogu prikupiti**
- **Uviđaj može obustaviti samo istražitelj** ukoliko su se vremenski, lični ili materijalni uslovi promijenili i nije moguće voditi postupak



## Mjesta zločina s dodatnim mjerama

- U slučaju da je nađeno identifikovano ili neidentifikovano **mrtvo tijelo Ured mrtvozornika ili poseban liječnik** moraju se pozvati na mjesto zločina
- U slučaju **silovanja ili teškog seksualnog delikta** žrtvi je potreban **medicinski pregled odmah**
- U slučaju istrage **paleži ili eksplozije** treba se kontaktirati odgovarajuća agencija i na uviđaju mora biti prisutan ekspert za paljevine/eksplozive. Praktično je ako se kriminalistički uviđaj obavlja u isto vrijeme dok se provodi istraga na požarištu
- U slučaju istrage **elektronskog kriminala** ili **ako se informatička oprema i mobilni telefoni nalaze na mjestu zločina, mora se pozvati IT stručnjak**
- U slučaju **krivičnih djela koja su povezana s drogama** posebni **psi za otkrivanje droge** se mogu koristiti. Ukoliko situacija uključuje **tajnu laboratoriju za proizvodnju droge** **treba se kontaktirati odgovarajuća agencija**
- U slučaju potencijalno razornih situacija, kao što su **biološko oružje ili radiološke ili hemijske prijetnje**, trebaju se kontaktirati odgovarajuće agencije

## Tim za uviđaj

Nadležni policijski organ mora oformiti iskusan tim za vršenje uviđaja.

### 2.1. Sastav tima:

Najmanje dvije osobe:

- Istražitelj mjesta zločina
- Kriminalistički tehničar

Dodatna podrška:

- Zapisničar
- Službena osoba koja je prva stigla na mjesto zločina/službenik policijske patrole
- Forenzički stručnjak
- Drugi stručnjak (mrtvozornik, psiholog, profajler, itd.)
- Konsultant
- Prevodilac

### Provođenje istrage

**U toku provođenja istrage tužitelj može poduzeti sve istražne radnje, uključujući ispitivanje osumnjičenog i saslušanje oštećenog i svjedoka, vršenje uviđaja i rekonstrukcije zločina, preduzimanje posebnih mjera koje osiguravaju svjedoka i informacije i naređivanje potrebnih vještačenja.** (Član 217 Zakona o krivičnom postupku BiH)

## **Uviđaj i vještačenje**

Ovlaštena službena osoba, nakon obavještavanja tužitelja, dužna je izvršiti uviđaj i odrediti potrebna vještačenja, osim obdukcije i ekshumacije leša. Ako je tužitelj prisutan tokom vršenja uviđaja može tražiti da ovlaštena službena osoba izvrši određene radnje koje on smatra neophodnim. Sve radnje preduzete tokom uviđaja moraju se dokumentovati i detaljno obrazložiti kako u zapisniku, tako i u posebnom službenom izvještaju. (Član 221 Zakona o krivičnom postupku BiH)

### **Prava istražitelja**

- Odrediti osoblje i dati dozvolu za ulazak ili odlazak sa mjesta zločina
- Odlučiti da otpočne ili prekine uviđaj
- Zatražiti od službene osobe koja je prva stigla na mjesto zločina ili službenika policijske patrole da daju izvještaj
- Dobiti informacije od žrtve, svjedoka ili bilo koga drugog ko raspolaže relevantnim informacijama o incidentu

### **Odgovornosti istražitelja**

- **Na početku provjeriti kontrolni spisak opreme.** U slučaju nedostatka materijala, mora se ponovo napuniti
- **Držati se pravila sigurnosti** i zahtijevati isto od cjelokupnog osoblja na mjestu zločina
- **Odrediti granice uviđaja.** Broj mjesta zločina i njihove granice se određuju prema njihovoj lokaciji/lokacijama i vrsti krivičnog djela

- **Odrediti redoslijed sistema ulaska i izlaska na mjestu zločina**
- **Koristiti ličnu i grupnu zaštitnu odjeću** (npr. rukavice i/ili navlake za cipele)
- **Rasporediti osoblje na mjestu zločina bez odlaganja i po zapovijedi**
- **Dobiti sve informacije o incidentu** prije, tokom i nakon dolaska na mjesto zločina
- **Tretirati lokaciju kao mjesto krivičnog zločina sve dok se ne procijeni i ne odredi drugačije**
- **Odrediti metod uviđaja**
- **Naložiti izvršenje zadataka koji se ne mogu odlagati**
- **Osigurati zakonito i profesionalno vršenje uviđaja**
- **Koordinirati rad tima za uviđaj**
- **Odlučiti o redoslijedu kojim se sakupljaju dokazi**
- **Pozvati forenzičkog stručnjaka na mjesto zločina** da obavi specijalizirane zadatke
- **Odobriti sačinjavanje zapisnika o uviđaju**
- **Sarađivati s istražiteljima** zaduženim za slučaj i drugim službama
- **Preduzeti dodatne mjere** da se pruži pomoć licima, otpočeti smještaj životinja ukoliko je to potrebno
- **Naložiti svim pomoćnim službama**, kao što su ured mrtvozornika, vatrogasci i druge spasilačke službe ukoliko je potrebno da budu prisutni na mjestu zločina

- **Izvršiti rekonstrukciju zločina sa 'mjestu događaja'**, koristeći logičko zaključivanje i popunjavajući praznine gdje god su nađeni dokazi
- **Kontrolirati tok rada na traženju dokaza i tragova**

## **Kriminalistički tehničar**

Osoba koja raspolaže adekvatnim obrazovanjem koju policija direktno zapošljava da prikuplja dokaze, analizira podatke na mjestu zločina i u laboratorijama. On/ona radi s policijom u timu za uviđaj pod vodstvom istražitelja na mjestu zločina.

Često se na neki slučaj raspoređuje nekoliko tehničara pod vodstvom i direktnim nadzorom glavnog tehničara.

## **Pomoć vještaka i stručne osobe**

**Uviđaj i rekonstrukcija zločina vrši se uz pomoć stručne osobe kriminalističko-tehničke ili druge struke, koja će pomoći u pronalaženju, osiguranju ili opisivanju tragova, izvršiti potrebna mjerenja i snimanja, sačiniti skicu i fotodokumentaciju ili prikupiti i druge podatke.** (Član 94 (1) Zakona o krivičnom postupku BiH)

**Na uviđaj ili rekonstrukciju može se pozvati i vještak, ako bi njegova prisutnost bila od koristi za davanje nalaza i mišljenja.** (Član 94 (2) Zakona o krivičnom postupku BiH)

## **Prava tehničara**

- Ispitati službenika koji je prvi stigao na mjesto zločina ili službenika policijske patrole, svjedoka, žrtvu i druge osobe

koje raspoložu relevantnim informacijama o incidentu

- Korištenje materijala za traženje, razvijanje i fiksiranje

## **Obaveze tehničara:**

### ***Glavni zadaci***

- **Na početku provjeriti spisak opreme za uviđaj.** Ukoliko je potrebna ispravka on/ona mora izvijestiti istražitelja na mjestu zločina
- **Koristiti ličnu i grupnu zaštitnu odjeću** (npr. rukavice i/ili navlake za cipele) i slijediti instrukcije o sigurnosti rada
- **Slijediti instrukcije istražitelja na mjestu zločina**
- **Proći kroz mjesto zločina kako bi se odredilo koji dokazi su ostavljeni i kako se trebaju prikupiti**
- **Započeti s prikupljanjem informacija odmah po dolasku na mjesto zločina**
- **Snimiti fotografije, video i audio zapis pored skica, dijagrama i crteža**
- **Tražiti dokaze, tragove, fragmente i oznake i pripremiti ih za prikupljanje, razvijanje, fiksiranje i pakovanje**
- **Prikupiti sve fizičke dokaze**
- **Fokusirati se na kratkoročne dokaze**
- **Analiziranje detalja na mjestu zločina i procjena podataka**
- **Zadužen za pripremu pečaćenja i transportovanja u laboratorije**

- **Pomoći u pomjeranju i pokrivanju preminulih osoba**
- **Pomoći u pripremanju zapisnika i aneksa**
- **Ne kašljati, kihati ili razgovarati iznad bilo kojeg uzorka koji se prikuplja ili suši, kako bi se spriječila kontaminacija dokumenata dodatnom DNK**
- **Fiksiranje uzoraka otiska prsta, otiska dlana, DNK u cilju unošenja u biometrijsku bazu podataka**
- **Pretraga, razvijanje i fiksiranje ranije prikupljenih dokaza u forenzičkoj laboratoriji. Vršenje testova i analiziranje uzoraka materijala**
- **Izrada dokumentacije o traženju i fiksiranju dokaza**
  - Tehničar ima pravo odabrati metode, alate i tehnike koje koristi za traženje i fiksiranje dokaza u nedostatku odluke istražitelja na mjestu zločina. U ovom slučaju on/a je zakonski i profesionalno odgovoran/na za svoju odluku
  - Ukoliko je odluka istražitelja suprotna odluci tehničara on/a mora postupati po zapovijedi istražitelja, ali se ovo može unijeti u zaseban izvještaj priložen uz zapisnik o uviđaju
  - Ukoliko slučaj završi pred sudom, kriminalistički tehničar se može pozvati da svjedoči o informacijama iz izvještaja

# Važni telefonski brojevi

Policija ..... 122

Hitna pomoć ..... 124

Vatrogasci ..... 123

Agencija za forenzička ispitivanja  
i vještačenja BiH ..... 057/320-300

Agencija za forenziku u RS ..... 051/334-350

Agencija za forenziku u FBiH ..... 033/284-035

Federalna uprava policije ..... 033/280-020

SIPA ..... 057/326-100

Državna regulatorna  
agencija za radijacijsku  
i nuklearnu sigurnost u BiH .... 033/726-300 ili 033/726-316

Direkcija za koordinaciju  
policijskih tijela BiH ..... 033/779-000